

स॒वनस्य॑ क॒रोत्युत्त॑मं पू॒र्वस्य॑ स य॒दुत्तर॑स्य स॒वनस्य॑ तत्पूर्वं क॒रोति॑ यत्पूर्वस्य त-
 दुत्त॑मं तद्य॒तिष॒जति॑ त॒स्मादि॒मा॒नि प॒र्वाणि॑ व्य॒तिष॒क्तानी॒दुमि॒त्यम॒तिहान॑मिदुमि॒त्यं
 तद्य॒दस्यै॒तेना॒त्मा स॒हृ॒तस्ते॒नास्यै॑ष आ॒युः ॥ ५ ॥ सैषा॒ काम॑दु॒धैवेन्द्र॑स्योद्धारः ।
 त्रिभ्य॒ ए॒वैनं॑ प्रा॒तःस॒वनऽउ॒क्थेभ्यो॑ वि॒गृह्णा॒ति त्रिभ्यो॑ मा॒ध्यन्दि॒ने स॒वने॑ तत्षट् कृ-
 तः षड्वा॒ऽऋत॑व ऋ॒तवो॑ वा॒ऽश्मात्स॒र्वान्का॒मान्य॑च॒त्येते॒नो ह्यैषा॒ काम॑दु॒धैवेन्द्र॑-
 स्योद्धारः ॥ ६ ॥ तं वा॒ऽअ॒पुरो॒रुक्कं॑ गृह्णा॒ति । उ॒क्थ॑ ह्यि॒ पुरो॒रुगृ॒ग्धि पुरो॒रुगृ॒-
 ग्थु॒क्थ॑ साम॒ ग्रहो॑ऽथ य॒दन्य॑ज्ज॒पति॑ तद्य॒जुस्ता॒ हैता॒ अभ्य॑र्ध॒ एवा॒ग्रऽऋ॒भ्य आ॒-
 सुर॑भ्य॒र्धा य॒जुर्भ्यो॑ऽभ्य॑र्धः साम॒भ्यः ॥ ७ ॥ ते दे॒वा अ॒ब्रुवन्॑ । ह॒त्तेमा॑ य॒जुःषु॑ द॒धाम
 तथे॒यं ब॒हु॒ल॒तरे॒व वि॒द्या भ॒विष्य॑तीति॒ ता य॒जुःष्वद॑धुस्त॒त एषा॒ ब॒हु॒ल॒तरे॒व वि॒-
 द्या॒भवत् ॥ ८ ॥ तं य॒दपु॒रो॒रुक्कं॑ गृह्णा॒ति । उ॒क्थ॑ ह्यि॒ पुरो॒रुगृ॒ग्धि पुरो॒रुगृ॒ग्थु॒क्थ॑
 स य॒दे॒वैन॑मु॒क्थेभ्यो॑ वि॒गृह्णा॒ति ते॒नो ह्यस्यै॑ष पुरो॒रुज्ञा॑न्भवति॒ तस्मा॑दपु॒रो॒रुक्कं॑
 गृह्णा॒ति ॥ ९ ॥ अथा॒तो गृह्णा॒त्येव॑ । उ॒पयाम॑गृहीतोऽसी॒न्द्राय॑ त्वा बृ॒ह॒द॒ते व॒य-
 स्व॒तऽइ॒तीन्द्रो॑ वै य॒ज्ञस्य॑ दे॒वता॑ त॒स्मादा॒हेन्द्रा॑य त्वेति॒ बृ॒ह॒द॒ते व॒यस्व॒तऽइ॒ति
 वी॒र्य॑व॒तऽइ॒त्ये॒वैत॒दाह॑ य॒दाह॑ बृ॒ह॒द॒ते व॒यस्व॒तऽइ॒त्यु॒क्थाव्यं॑ गृह्णामीत्यु॒क्थेभ्यो॑
 ह्ये॒नं गृह्णा॒ति य॒त्तऽइ॒न्द्र बृ॒ह॒द॒य इ॒ति य॒त्तऽइ॒न्द्र वी॒र्यमि॒त्ये॒वैत॒दाह॑ तस्मै॒ त्वा
 वि॒क्ष॒वे त्वेति॑ य॒ज्ञस्य॑ ह्ये॒नमा॒युषे॑ गृह्णा॒ति त॒स्मादा॒ह तस्मै॒ त्वा वि॒क्ष॒वे त्वे॒त्येष॑ ते
 यो॒नि॒रु॒क्थेभ्य॑स्त्वेति॒ साद॑यत्यु॒क्थेभ्यो॑ ह्ये॒नं गृह्णा॒ति ॥ १० ॥ तं वि॒गृह्णा॒ति । दे॒व-
 भ्य॑स्त्वा दे॒वाव्यं॑ य॒ज्ञस्या॒युषे॑ गृह्णामीति प्रशा॒सन॑ स॒ कुर्या॑द्य॒ एवं कुर्या॑द्यथादे॒वतं॑
 त्वे॒व वि॒गृह्णी॑यात् ॥ ११ ॥ मि॒त्राव॑रुणाभ्यां त्वा । दे॒वाव्यं॑ य॒ज्ञस्या॒युषे॑ गृह्णामीत्ये॒व
 मै॒त्राव॑रुणा॒य मै॒त्राव॑रुणीषु हि तस्मै॒ स्तुव॑ते मै॒त्राव॑रुणीरनुश॒सति॑ मै॒त्राव॑रुणा
 य॒जति॑ ॥ १२ ॥ इ॒न्द्राय॑ त्वा । दे॒वाव्यं॑ य॒ज्ञस्या॒युषे॑ गृह्णामीत्ये॒व ब्रा॒ह्म॒णाह॑सि॒न
 ऽहे॒न्दीषु॑ हि तस्मै॒ स्तुव॑तऽहे॒न्दीरनुश॑सत्यै॒न्द्रा य॒जति॑ ॥ १३ ॥ इ॒न्द्राग्नि॑भ्यां त्वा ।